

書名 杜氏通典二百卷 嘉靖十八年西樵方獻夫刊本

撰者 唐 杜佑 撰，明 王德益、吳鵬 同校

卷 卷六十七

內容分類 史·政書·歷代通制

索書號 貴重-17

編號 B3510400

卷六十七



[彩色首頁1](#)

[東洋文化研究所漢籍目錄 編號: B3510400](#)

[東洋文化研究所漢籍目錄所藏漢籍善本文影像資料庫 索書號: 貴重-17](#)

[漢籍善本文影像資料庫文本 杜氏通典二百卷 嘉靖十八年西樵方獻夫刊本](#)

版權所有: [東京大學](#) [東洋文化研究所](#)

[使用上的注意事項](#)

杜氏通典卷第二十五

職官七

諸卿上 總論諸卿

太常卿 丞奉禮郎主簿 博士 太祝 兩京郊社署

太樂署 鼓吹署 太醫署 太卜 廩犧 汾祠 太公廟等署

光祿卿 丞良醞署主簿 掌醢署 太官署 珍羞署

衛尉卿 丞守宮署主簿 武庫署 武器署 左右都候

宗正卿 丞諸陵署主簿 崇玄署

太僕卿 丞典牧署主簿 乘黃署 諸牧監 典廄署

大理卿 正司直丞評事監 獄丞

諸卿附 少卿

禮記通典卷第六十六終
幘朱絲絡黃金飾駕一牛在鹵簿中單行正道後帝
嬾多大駕減為三十六乘法駕宜用十二小駕除之
可也大唐大駕屬車十二乘大駕行幸則分前後施
於鹵簿之中若大陳設則分左右施於衛內其鹵簿
制具開元禮

杜氏通典卷第六十六終

禮二十七 嘉十二歷代
沿革二十七

天子敬父

皇后敬父母

養老

天子拜敬保傅 太子及諸王
見師禮附

諸王公主敬姑叔

羣臣致敬太后父

羣臣侍坐太子後至

并公卿致敬太子東宮臣
上殿見公卿儀百官上

表不稱
其名附

天子敬父

漢
晉

虞舜踐帝位乃載天子旌旗往朝瞽瞍唯謹以子道

○漢高帝五日一朝太公後加尊號為太上皇 具追
尊祖

考○魏廢帝常道公璜景元元年十一月燕王表賀

冬稱臣

帝即燕王字之子
字稱臣故以為疑

詔曰古之王者或有不臣

今王宜依此表不稱臣乎又當為報答夫係大宗者

降其私親况所係者重耶若使同之臣妾朕所未安

其皆依禮據典當務盡其儀有司議奏以為禮莫崇

於尊祖制莫重於王典陛下紹太宗之重崇三祖之

業伏惟燕王禮尊屬戚正位蕃服躬秉虔肅以先萬

國其於王典闡濟大順誠宜割以非常之制奉以不

臣之禮臣等評議以為燕王章表可聽如舊式中詔

所施宜曰皇帝敬問大王侍御議又云至於制書國

之舊典朝廷所以辨章於天下者也宜循法故曰制

詔燕王議又曰凡詔命制書奏事上書文書有應稱

燕王者皆云上字其非宗廟助祭之事不得稱王名

奏事上書及吏人皆不得觸王諱以彰殊禮加於羣

后云上尊王與尊祖之制俯順聖旨敬承之心○晉

何琦議曰父母之尊擬則天地君親之道資敬是同

今承受命運君臨率土而父以子尸天祿不敢子天

子以明王者之道而子雖以為天子必有尊也推斯

以言父自必臣天位之君而子自必尊天性之父

皇后敬父母

後漢

晉

後漢獻帝皇后父屯騎校尉不其亭侯伏完朝賀公

庭完拜如眾臣及皇后在離宮后拜如子禮三公八

座議或以爲皇后天下之母也完雖后父不可令后
獨拜私朝或以爲當交拜令后存人子之道完不廢
入臣之義又子尊不加於父母雖曰天王后猶曰吾
季姜欲令完尤行父法后專奉子禮公私之朝后當
獨拜或以爲皇后至尊父亦至親交拜則父子無別
完拜則傷子道后拜則損至尊欲令公朝者完拜如
衆臣於公宮后拜如子不知四者何是正禮鄭玄議
曰四者不同抑有由焉天子所不臣者三其一后之
父母也天子尚不臣况於后乎春秋魯隱公二年紀
裂繻來逆女冬伯姬歸于紀又桓八年祭公來逆
王后于紀九年紀季姜歸于京師或言逆女或言逆

王后蓋義有所見也女雖嫁爲鄰國夫人其尊無以
加於父母嫁於天子者此雖已女成言曰王后明當
時之尊得加父母也紀季姜歸于京師更稱其字者
得行禮而戒之其尊安可加父母耳今其不亭侯在
京師禮事出入宜從臣禮若后適離宮及歸寧父母
從子禮丞相徵事邢原駁曰孝經云父子之道天性
也明王之章先陳事父之孝女子子出降其父母婦
人外成不能二統耳春秋左氏傳曰紀履繻來逆女
列國尊同逆者謙不敢自成故以在父母之辭言之
禮敵必三讓之義也祭公逆王后於紀者至尊以無
外辭無所屈成言曰王后紀季姜歸于京師尊已成

通典卷六十一
稱季姜從紀子尊不加於父母之明文也如皇后於公庭官僚之中令父獨拜違古之道斯義何施漢高五日一朝太上皇家令譏子道不盡欲微感之令太上皇擁篲却行稱臣雖去聖久遠禮文闕然父子之義五品之常不易之道寧為公私易節公庭則為臣在家則為父是違禮而無常也禮言子事父無貴賤又云子不爵父○晉武帝太康元年楊皇后親蠶儀注曰皇后乘輦羣臣皆拜安昌君平立安昌君楊皇后父也至壇下輦后乃拜安昌君及升壇后乃為安昌君設榻於其位至還后復拜○東晉穆帝永和九年褚太后見父博士胡訥議從漢和原議又按武帝楊后公庭

之內皇后拜安昌君也則公羊傳子尊不加於父母焉博士徐禪依鄭玄議曰臣聞成均之法導以忠孝歷代同之故鄭玄議王庭正君臣之禮私覲全父子之親是大順之道也按先朝羊玄之羊后之父也公朝之敬躬秉臣節后之歸寧亦執子道雖無記注今朝士備識而先習儀乃太康中事至惠帝之代玄之便自不可同漢代四說之異歷代垂疑此論不成由來尚矣中書監何克曰如禪所正可勅御史左將軍入在公庭則修臣敬皇太后歸寧之日則全子禮申攝內外奉行太后詔典禮未詳情所不安司徒蔡謨議父子者天倫之極尊也君臣者人爵之至敬也先

王之制不以人爵之貴加於天倫之尊經曰雖天子必有尊也言有父也是以虞舜漢祖雖身為帝父為匹夫敬事之禮不異畝畝之中此先聖之遺範也鄭玄注禮言子事父無貴賤又云子不爵父嫌卑之也加其爵位尤所不敢況乃南面而受拜乎今皇太后雖臨朝王者之父本無拜禮何克入奏依鄭玄議君臣父子之道存焉燕王稱臣於魏竇武錄尚書於漢已行之舊典也燕王魏廢帝父太后詔具所啓舊典誠無以相易然此寔所悚懼不寧者也何克與庾翼朝值太后臨朝時議褚侯雖后父乃晉臣也宜用鄭議或謂褚生宜不拜耳乃不稱臣燕王非比也又謂竇武雖受爵太后錄尚書事而漢無拜文為疑故恐大義乖錯褚侯既不拜便是異姓太上皇也任此魏魏

亦庶姓不取安翼曰中古以上未有母后臨朝女主當陽者也乃起漢耳雖或權宜僕所不然處也代主雖有幼蒙萬機寄於冢宰無以坤德凌軋矣當今謂燕王不足為準竇武無拜文此制不出賢聖也武既受其爵位亦無不拜理也鄭君之言迺合情禮也今太后既臨天位稍使是人臣之義雖為天王官而不循天則竊所未安若欲遠准古義雖為天王后猶曰吾季姜漢以前事不與今同漢加太上皇太上位見崇戴即是子為天子父為上者耳乃見崇號位冠帝王為喻也今稽侯由來晉臣不可得准

養老虞夏商周後漢魏

虞氏深衣而養老凡養老之服皆其時王所與羣臣燕之服也有虞氏質深衣而已孔

穎達云人君養老有四種一是養三老五更二是子孫為國死難而王養死者父祖三是養致仕之老四

是引戶校年養庶然養國老於上庠養庶老於下庠而

用燕禮庠養也上庠右學大學也在西郊下庠左學小學也在國中王宮之中其禮尚

矣憲養氣體而不乞言憲法也養之為法其德有善

則記之為博史博史史厚夏氏燕衣而養老改虞制而尚黑

裳養國老於東序養庶老於西序而用饗禮東序東郊也亦

大學在國中王宮之東西序在西郊殷人縞衣而養老縞尚白而

國老於右學養庶老於左學而用食禮食音嗣下同周

制玄衣而養老玄衣素裳養國老於東膠膠之為言糾也養庶老

於虞庠虞庠在國之西郊皆學名也異者四代相變

國或貴在郊周之小學為有虞氏之庠制是以名虞庠云其立鄉學亦如之兼用虞燕夏

饗殷食之禮兼用之備陰陽也凡飲養陽氣夏官羅

氏仲春羅春鳥獻鳩以養國老春鳥鷦鷯而始出者是

變舊為新宜以月令仲秋天子養衰老授几杖行糜

粥飲食行猶賜也五十養於鄉六十養於國七十養於學

達於諸侯天子諸侯八十拜君命一坐再至九十使

人受受謂君不親饗食凡三王養老皆引年已而引

當行復除也老人多非賢者不可皆養乞言合語之禮皆小樂正詔之

於東序乞言謂鄉射鄉飲酒大射燕射之屬也鄉射

記曰古者凡大合樂必遂養老大合樂謂春入學釋

於旅也語凡大合樂必遂養老菜合舞秋頒學合聲

於是時也天子則視學焉天子視學大昕鼓徵所以

遂養老者謂用其明日也天子視學大昕鼓徵所以

警衆也周禮凡用樂大胥以鼓徵學士衆至然後天

子至乃命有司行事興秩節祭先師先聖焉與猶舉

也節猶禮也使有司攝其事舉常禮祭先師先聖不親祭之者視學觀禮耳非為被報也有司卒

事反命告祭畢天始之養也又之養老之處凡大合

言始立適東序釋奠於先老釋奠之者以其有事也

上遂設三老五更羣老之席位焉三老五更各一人也皆年老更事致

仕者也能更知三德五事者也天子以父兄養之示

以照明天下者三老如賓也適饌省醴養老之珍具視

其所遂發味焉退修之以孝養也發味謂以樂承之退修之謂既迎而

入獻之以醴反登歌清廟反謂獻羣老畢皆升就席也反就席乃席工於西階

以歌清廟既歌而語以成之也言父子君臣長幼之

道語談說也歌備而旅旅而下管象舞大武象武周武王伐

紂之有司告以樂闋闋終也王乃命公侯伯子男及羣

吏曰反養老於東序終之以仁也羣吏卿遂之官王於燕之末而命諸

牲執醬而饋執爵而酌冕而總干所以教諸侯之悌

也冕而總干親在武位也三者道成於三謂天地人

之言則罔所愆五者訓於五品更者更也五代長子

更相代言其能以善道更改已也故三老五更皆取

有道妻男女完具者為之鄭玄曰老更互言之耳

皆老人更知三德五事者也蔡邕曰更當為叟

後漢明帝永平二年三月以李躬為三老桓榮為五

更帥羣臣養于辟雍月令章句曰三老國老也五更

更三代所尊安車蒲輪送迎至於家天子獨拜先吉

日司徒上太傅若講師故三公人名用其德行年耆

高者一人為三老次一人為五更也盧直曰選三公

大夫中老者皆服都紵大袍单衣卓緣領袖中衣冠



日乘輿先到辟雍禮殿御座東廂遣使者安車蒲輪
 迎送三老五更天子迎於門屏交禮升自阼階三老
 升自賓階至禋階天子揖如禮三老升東面三公設
 几九卿正履天子親袒割牲執醬而饋執爵而酌祝
 鯁在前祝饁在後五更南面三公進供禮亦如之周
 五經然否曰漢初或云三老皆天子拜遭王莽亂法
 度殘缺漢中興定禮儀羣臣欲令三老皆拜城門校
 尉董鈞駁云養三老所以教事父母之道也若若拜
 是使天下各子拜也譙周論曰禮尸服上服猶以非
 親之故各子拜土見異國君亦各士拜是皆不得視
 猶子也虞喜曰漢儀於門屏交禮交禮即各拜中興謬從
 鈞議後已革明日皆訖闕謝恩以見禮遇太尊著故
 之甚得禮意

也和帝以魯丕為三老安帝亦以魯丕為三老又以
 李克為三老元初四年詔曰月令仲秋養衰老授凡

杖行糜粥方今八月按此之時郡縣多不奉行雖有

糜粥糠粃泥土相半不可飲食按此詔漢代猶
 依月令施政事靈帝

以袁逢為三老賜以玉杖王杖長九尺端以鳩為飾
 鳩者不壹之鳥欲老人之
 不壹

也魏高貴卿公甘露二年天子親帥羣司行養

老之禮於太學命王祥為三老鄭同為五更祥南面

几杖以師道自居天子北面乞言祥陳明王聖帝君

臣政化之要以訓之聞者莫不砥礪○後魏孝文帝

太和十六年詔以前司徒尉元為三老前大鴻臚卿

游明根為五更於明堂設國老位庶老位於階下皇

帝再拜三老親袒割牲執醬而餽執爵而酌於五更

行肅拜之禮賜國老庶老衣服有差既而三老言曰

自古人所崇莫重於孝順五孝六順天下之所先願
陛下重之以化四方帝曰孝順之道天地之經今承
三老明言銘之朕懷五更言曰夫至孝通靈至順感
幽故詩云孝悌之至通於神明光于四海願陛下念
之以濟黎庶帝曰五更助三老以言至範敷展德意
當克已復禮以行來授禮畢乃賜步輓一乘詔曰三
老可給上公之祿五更可食九卿之俸供養之味亦
同其例○北齊制仲春令辰陳養老禮先一日二老
五更齋於國學皇帝進賢冠玄紗袍至辟雍入總章
堂列宮懸王公以下及國老庶老各定位司徒以羽
儀武貴安車迎三老五更于國學並進賢冠玄服黑

烏素帶國子生黑介幘青衿單衣乘馬從以至皇帝
釋劍執珽迤於門內三老至門五更去門十步皆降
車以人皇帝拜三老五更攝齊各拜皇帝揖進三老
在前五更在後升自右階就筵三老坐五更立皇帝
升堂北面公卿升自左階北面三公授几杖鄉正履
國老庶老各就位皇帝拜三老羣臣皆不拜五更乃
坐皇帝西面肅拜五更進珍饈食親袒割牲執醬以
饋執爵而酌以次進五更又設酒醴於國老庶老皇
帝升御坐三老乃論五孝六順典訓大綱皇帝虛躬
請授禮畢而還又都下及外州人年七十以上賜鳩
杖黃帽有勅則給不為常也○後周武帝保定二年詔以太傅

燕國公于謹爲三老賜延年杖皇帝幸太學以食之
三老入門皇帝迎拜門屏之間三老各拜設三老席
於中楹南向太師晉國公宇文護升階設几於席三
老升席南向憑几而坐大司寇楚國公盧寧升階
正焉皇帝升立於斧扆之前西面有司進饌皇帝跪
授醬豆親袒割牲三老食訖皇帝又親跪受爵以醕
撤去皇帝北面立訪道三老乃起立於席後皇帝曰
猥當天下重任自惟不才不知政理之要公其誨之
三老各曰木從繩則正后從諫則聖自古明王聖主
皆虚心納諫以知得失天下乃安惟陛下念之又曰
爲國之本在乎忠信是以古人云去食去兵信不可

失國家廢興在於賞罰若有功必賞有罪必罰則爲
善者日益爲惡者日止若有功不賞有罪不罰則天
下善惡不分下人無所措手足又曰言行者立身之
本言出行隨誠宜相顧陛下三思而言九慮而行若
不思不慮必有過失天子之過事無大小如日月之
蝕莫不知者願陛下慎之三老言畢皇帝再拜受之
三老各拜禮成而出○大唐制仲秋吉辰皇帝親養
三老五更於太學所司先秦定三師三公致仕者用
其德行及年高者一人爲三老次一人爲五更設三
老座於西楹之東近北南向設五更座於西階上東
向設國老三人座於三老座西俱不屬焉設衆國老

座於堂下西階之西東面北上五品以上致仕者為

者為天寶八載閏六月制其天下百姓丈夫七十五

以上婦人七十以上宜各給中男一人克侍仍任自

簡擇至八十以上依常式處分餘並如開元禮

天子拜敬保傳太子及諸王見師禮附

漢張禹嘗為成帝師帝尊寵之禹每疾輒以起居聞

謂其飲食寢帝自臨問之親拜禹牀下禹頓首謝恩

因歸誠言老臣有四男一女愛女甚於男遠嫁為張

掖太守蕭盛妻不勝父子私情思與相近帝即時徙

盛為弘農太守又禹小子未有官帝臨候禹禹數視

之帝即禹牀下拜為黃門郎給事中○晉成帝詔曰

曲陵公等宣力前朝致勲皇家以德義優弘兼保傳

朕躬朕遭家不造奄在京疚稟訓未究悟事窮蹙其

一尊先帝尊崇師傅之教拜敬如舊以明崇德永奉

遺範尚書令下壺等奏曰臣歷觀記籍禮經無拜臣

之制雖漢成帝拜張禹庸主凡臣不足為軌或說師

臣友臣師模其道又未見其拜也至於先帝之拜司

徒導特以元皇帝與自藩國布衣之交拜在人臣之

日故率而不改陛下尊順先典服膺禮中不宜降南

面之尊拜北面之臣大教有違名體不順事應改正

太后詔尊師重道帝王之所宜務况童幼方賴師訓

之成宜令一遵先帝崇賢之禮壺又奏臣考先典之



極無過於周公而周史無拜敬之禮禮記稱王者入學躬拜三老此一朝之敬猶子冠而母拜之豈可終身行焉太后詔頒帝成人更詳師傅之禮○大唐貞觀十一年太宗語魏王泰曰禮部尚書隸魏王師王珪汝之事師如事我也泰每先拜珪珪亦以師道自居物議善之十七年詔令撰三師儀注太子出殿門迎先拜三師答拜每門讓三師坐太子乃坐與三師書前名惶恐後名惶恐再拜

諸王公主敬姑叔大唐

大唐神龍元年制曰近代以來罕遵軌度王及公主曲致私情姑叔之尊拜於子姪違法背禮情用則然自今以後宜從革弊宣告宗屬知朕意焉先是諸王及公主皆以親貴為天子之子見諸姑叔先拜若致書則稱為啓事帝志欲敦序親族故下制以革斯俗

羣臣致敬太后父晉

晉鄧監軍教出袁歷陽書參佐綱紀議為褚太后父左將軍施敬不同司馬黃整議夫子有云必也正名乎王者象天后者法地為兆庶父母尊莫大焉厚莫重焉若以后尊宜敬于親於后父也便應有敬錯之禮典先無茲比今皇太后臨統朝政以主上富於春秋耳故是本尊之尊無復異也且諸侯為國藩翰北面稽首豈可得推崇為太上邪尋名定議謂不應施

敬也

羣臣侍坐太子後至

并公卿致敬太子東宮臣上殿跪見公卿儀百

晉上表不稱其名附

晉制皇帝會公卿坐位定太子後至孫毓以為羣臣不應起禮曰父在斯為子君在斯為臣侍坐於所尊見同等不起皆以為尊無二上故有所厭之義也昔衛綰不應漢景之召釋之正公門之法明太子事同於羣臣羣臣亦統一於所事應依同等不起之禮明帝太寧三年詔曰漢魏以來尊崇儲貳使官屬稱臣朝臣咸拜此甚無謂今太子衍幼冲之年使臣先達將今所習見謂之自然此豈可以教之邪令內外通

議尚書令下虛議以為春秋王太子不會盟禮同於

君皆所以重儲貳異正嫡苟奉之如君不得不拜矣

太子若存謙冲故宜答拜臣以為皇太子之立郊告

天地正位儲宮豈得同之皇子揖讓而已謂宜稽則

漢魏闔朝同拜從之

徐趙云東宮臣上表天朝既用人有作符光宮屬者云東宮臣上疏於太子用白紙也此太子答之用黃紙朝士率常綫上下死罪太子答之

姓名亦有惶恐此 ○太唐武太后長安二年左庶子

王方慶上言謹按史籍所載人臣與人言及上表未

有稱皇太子名者當為太子皇儲其名尊重不敢指

斥謹按尚書僕射山濤啓事稱皇太子而不言名濤

中朝名士必詳典故朝官尚禮如此官臣諱則不疑



今東宮殿及門名皆有觸犯臨事論議迴避甚難孝
敬皇帝為太子時改宏教門為崇教門沛王為皇太
子改崇賢館為典文館皆避名諱此即成例足為軌
模於是一切改之

杜氏通典卷第六十七終

杜氏通典卷第六十八

禮二十八 嘉十三
沿革二十八

天子諸侯大夫士養子儀 君薨後嗣
子生附

天子諸侯大夫士之子事親儀 婦事舅
姑附

事先生長者雜儀 居官歸養父母

僑居人桑梓敬 夫人不答妾拜

僧尼不受父母拜及立位

被召未謁稱故吏議 二嫡妻議

甥姪名不可施伯叔從母議

二人各是內外兄弟相稱議

從舅是族外第相稱議